

增默菴詩遺集

大凡先達著作後學者每以不
克見為憾見其一二又必旁搜
博采以為快幸未之春子壽司
馬曾集

蘭石前輩遺筆共一冊其間題者跋
者銘者贈答者郵寄為家言者
抄篇斷簡摺而續者有之每可

接而續北亦有之祕書監文辭
畫翰列於五絕竊得以窺見一
斑余幸之余轉惜之幸得云親
惜不得多觀也茲於新秋子奔
司馬又携增默庵詩遺集兩卷
囑為之序余於案牘餘暇展而
莊誦之喟然曰旨哉玉矣以浚

輩而贊前輩借也妄也夫何敢
惟既承

前輩

培嗣司馬君淳喙又何敢以不
文辭詩有之高山仰止景行行
止綴此以志鄉往云尔

同治十年九月知興化府事而
翰林院庶吉士林慶貽頓首拜

謹序

增默菴詩遺集

目錄

卷一目錄

題 母舅吳瑤峯小照

題鐵嶺道人畫四幀

鷹雀

龍虎

貓

鷄

白牡丹圖為徐竹洲孝廉題

苦雨謠

讀史

書僧澄詩卷

魏笛生同年水繪園讀書圖

送某將軍之蜀

題黃仲則集即效其體

擬劉後村九老分題得老將

遊福廬山望海

題吳梅村集

拂水山莊

題陸放翁集

漫與效黃仲則

李蘭卿舍人索觀漫與之作用余韻為即

四詩見示因重作即事四詩

三月四日病起書事壬申

題畫

癸酉正月二十六日閱戈蘭舟文學詩頗喜

其登高諸作書二詩卷尾

觀桃花扇雜劇

江樓招客擬香山用其韻

涇陽趙節婦詩

磁州

光武廟

光武祠古栢行用杜韻

題毛秋伯同年明府洞庭春泛圖

題畫

賴烈婦詞

彭脩田師碧梧清暑圖

家維德橋上尋詩圖

沅船雜詩

鎮遠道中

揚老驛次坡前輩韻

清浪灘

與春溟飲

鄧過庭畫蘭竹強余集楔帖題之

揮平絳水仙冊

題畫

四月十二日過法源寺花事已盡俯仰增惜
得二律用王蘭谷前輩看花韻

過某氏廢園疊前韻

是日蘭卿同遊作即事四律即次其韻

題鄧過庭畫竹

題友人醉梅圖

題拜梅圖

題梁芷鄰前輩燈窓梧竹圖

宋人金碧湖山小幅

劉柏鄰印譜

明妃出塞圖

陳子敬別駕見示新詞即題其後
有感

錢東生前輩聯牀夜雨圖

癡友人種梅圖

盍孟晉室書壁

白雲菴

書致身錄後

顧晴芬前輩水竹柴門圖

麻姑圖為文安令題時文安苦秋潦

彭城書壁

符籙

臨淮書壁時河決入淮驛舍民居俱沒

卷二目錄

艮岳遺石圖

擔菊圖

惶恐灘

葉小鸞眉子硯

十月十日夢內子

樟樹鎮王文成誓師處

飛來寺次吳淪齋殿撰韻

關山月限離憂二字館課題擬作

送李蘭卿侍讀守思恩

鄭繼之詩冊為望坡尚書題

顧吳羹先生畫唐梅為望坡尚書作

代柬

容易

趙文敏畫馮

黃石齋先生畫松

史道鄰先生贈戴錦師詩卷

顧廣洲文學竹趣圖

自題過頰圖

江妃村

題徐月卿印譜

姚根山暢山夜課圖

竹崎阻風

次日風大利舟觸岸幾碎

青楓嶺

梨嶺

李鳳岡先生於西山自闢壽藏邀同人往遊

酒後索詩率賦

李蘭屏比部竹林待酒圖

題笛生同年珠江送別圖

為甘滋蒼明經題陳秋坪郡丞詩翰

楊雪菜比部滌筆圖

落花和李蘭屏比部

初秋不寐

題畫

過龍泉寺清上強余集蘭亭字

銷寒雜詠賦得土炕

與貞木蓉臺飲

李潤堂都督畫冊

題許萊山湘月泛槎圖

鄧過庭惠畫蘭索詩走筆次韻

李海颿觀察釣鰲圖

畫蘭贈朱虹舫學使

楊雪椒比部金陵策塞圖

周翠渠先生海天空濶四景卷

牛壁箒

白溪鋪

水田壩

石塔鋪

濯河壩

黔江十五里石壁

木根鋪

白蠟園晨行大霧

石砒

忠州懷程次坡先生

廟磯子澗

邛州畫蘭

韓樹屏先生三百三十三士圖卷

送韓樹屏少司空還里

建昌道中

嘉州刺史朱象先殉節詩

陳拾遺讀書臺

俞紫芝書廬山草堂記為琦靜菴節使作

淮陰

廟臺張留侯辟穀處

十一月十二日廟臺飯即以留侯廟為館留

題一首

次南星夕與內子言及以二詩示之

侯生左良玉傳書後

馬嵬坡懷古

新豐

顧吳羹畫梅為何子貞題

章直齋明府露布硯

蘇鰲石廉訪閒園刻燭圖

題畫

書李韻堂觀察所集楹帖後

增默菴詩遺集卷一

莆田郭尚先蘭石著

男 錢齡編輯

婿 許祖滂全輯

姪孫 慎行 校字

題 母舅吳瑤峯小照

小閣涵虛白清池澹夕曛時披樂志論不草送
窮文聞笛心如洗掀髯思不羣維摩看定力那
計萬花紛

題鐵嶺道人畫四幀

鷹雀

高空一隼下松駕助風威慎莫貪黃雀天鷲海
外飛

龍虎

山澤鍾靈姿風雲舒遠志如寫威過詩指端出
生氣

貓

主人方詰猫盡日知何處黠鼠不跳梁由他越

蝶去

鷄

梅花香一山正護范滂傳命復長鳴鷄不驚風

雪重

白牡丹圖為徐竹洲孝廉題

玉佩錦幃張曉露雲階月地駐春寒
憑君淡處留真相國色何須正午看

沒骨傳神自昔難
臙脂多買莫同觀
梨花柳絮天然韻
可似王家至寶丹

苦雨謠

豐隆闐闐椎大鼓
雨勢西馳羣木舞
雨聲樹聲不可分
中有萬家哭聲苦
舊歲再旱田生煙
十村九村閒烏犍
今春積雨又傷麥
兔葵馬帚何

增默菴詩遺集

卷一

二

蒼然早稻得雨天所貺一雨一晴生機暢門前
指似催租吏稻花開後好傾釀稻花開時雨如
織雨師奪我口中食妻子忍饑沒奈何私債官
租定迫逼民生民死惟恃天稻荒民餓天應憐
太上仙令惡作劇論謫猶教幸執戟安得行雨
驟雙虬點滴先與農民謀天仁不值割龍耳只
化人閒一枚李

讀史

王氣終山正盛時羣雄靡靡受鞭笞才聞玉牒
封梁父已見星符遇鎬池八駿勝遊追穆滿六

仙跡渺安期重泉鐵錮驪山塚漢室茂陵知
不知

書僧澄詩卷

寄興忽無著含毫真邈然空山一聲磬明月四
圍天古樹羚羊挂芳蘭翡翠鮮酒餘憑遣意佳
處欲參禪

每謂雲林筆超然意不猶啼猿巫峽曉落木洞
庭秋畫水曾無影行雲偶一留法門真義諦淡
淡最風流

魏笛生同年水繪園讀書圖

古木百千樹蕭然老屋幽二分明月地十載少年遊水石關情甚煙蘿依舊不知君展卷意放眼看千秋

當日賓朋盛春聲落雉皋花爭金谷看人比玉山豪陳迹颺輪轉初禪法界高鳳池迴首望待與振風騷

按魏刻第一首首句作積卷崔儵室蕭然作林深後四句作鵬運風初厚鴻飛雪尚留朱陳兩檢討可許占千秋次首第三句作花同金谷滿末二句作因君談往事懷古首頻搔

送某將軍之蜀

挾纊投醪鼓舞中爭言僕射父兄同令嚴但看
中天月程遠須乘萬里風既祝遷喬還惜別總
緣遵渚久依公箋天天肯從人願更遣彤雲託
海東

石棧天梯畫本開籌邊

帝仗出羣才遙聞綏馭兼荒服便見勲名上漢
臺詞客今歌蜀道易將星新向益州來將軍揖
客長安道西望峨嵋一醜杯

題黃仲則集即效其體

增默菴詩遺集

卷一

駱丞詞筆未登科長爪通眉顛顛多錦瑟春心
迷斷夢銅笳霽吹入悲歌才難為用應緣傲詩
到能窮始不磨幾許宰官圖作佛圓成竟讓病
維摩

雲雕倦眼幾曾開身後公卿恰愛才客久敢希
孺子榻債多難下赧王臺千秋茫昧名安用八
口飄零死更哀我向吳山誦長句詩魂似駕浙
潮來

按許鈔本詞筆作才筆迷作餘霽吹作秋曉
第五句作狂教不仕庸非福結句作莫怪縑

書重惆悵前身同是病維摩次首首句同
作未次句以下悉異作霧豹留皮轉可哀一
劍飄零過易水千金迫逼上謬臺豪端粉黛
知傷福身後公卿始愛才細數平生稱意處
錢唐再見浙潮來家藏兩當詩後真蹟與魏
刻本同

擬劉後村九老分題得老將

昔時身手李摩雲麟閣丹青未策勳朝士詎嘲
窮塞主路人省識故將軍樓蘭殘壘夢中到勅
勒悲歌醉後聞却羨韓雍正年少紫宮隱隱動

星文

苦憶炎區轉鬪年漫空瘴母墜飛鳶通侯不數
爛羊胃壯士何辭生彘肩亦有票姚穿鞠室可
無无國課屯田太平差幸身能健策蹇閑行亦
灑然

平原落照卓蜂旗烏虎雲龍出握竒諸將冀分
囊底智平生慣見劍頭炊自將赤土刀全拭但
覩黃塵馬便馳聞道甘泉來凱奏大貂還是舊
偏裨

遊福廬山望海

天風吹潮來海月催潮去欲問潮頭鷗沃焦在何處

沙挾黑風走雲兼白鳥還此山作平地便見海門山

題吳梅村集

淮王鷄犬尚人閒私願巢由許買山親在難偕
卓帽隱恩深未放白衣還絳雲傳刻幾同燼蒼
雪游蹤不可攀碣署詩人增悵惘誰教詞賦動
江關

按魏刻許作便

增默菴詩遺集

卷一

六

拂水山莊

降表修成看陸沉仍希姓字附東林名山帳望
中州集歧路徘徊上堵吟天火不容留宛委佛
燈可許懺威音青青轉羨章臺柳擘石研丹見
素心

按魏刻姓字作清望可許作猶冀轉羨作轉
歎

題陸放翁集

泥馬鴛江表銅駝委黍離咄咄老學菴殘緯啼
幽篴為詩萬餘首瓊錦臨風披玉賤或抵鵲珠

時探驪窟玉不嘗膽歌舞越江湄兩河告窳
徐老淚紅淋漓吁嗟忠繆侯頭顱函北馳小園
一片石千古滋羣疑盛名信為累晚節非易持
其文幸具存稱譽無過詞人傑世難遇鬼雄心
可悲我欲招公魂臨風誦公詩

漫與效黃仲則

二月花多鶯又啼看花無處鬪花蹤
衣船漬酒尋歡會橋柱書名帳舊題作客且隨鴻
踏雪依人敢笑燕銜泥平生未省酬恩地
獨立蒼茫一

劍携

李蘭卿舍人索觀漫興之作用余韻為即事四
詩見示因重作即事四詩

樹樹提壺自在啼黃公壚畔即芳蹊一春酒困
常疑病半醉詩多易失題柳絮幻身隨淥水蓮
花前果出青泥不妨游戲顛狂甚且向豐臺一
榼携

載酒曾聽搏黍啼乘酣曲曲到幽蹊隔簾鷓鴣
能嗔客出水芙蓉解索題幻相難禁花照鏡枯
禪猶幸絮沾泥阿難伏臘今成定百八年尼鎮
日携

生夜舞趁鷄啼桃李無言下有蹊
渺渺文鱗勞遠寄行行秋蚓識親題
四知心誓金如粟百鍊才鋒玉似泥
山字吟肩西字面幾時月榭手

重携

得陳秋河大令書

去歲逢君絡緯啼今年對酒落花蹊
屯田宋吏如歸隱退院閑僧易覓題
舟險已驚鐵鑪步馬嘶猶惜錦障泥
天教罷秩參詩法梅二詩囊到處携

暗陳春溟

三月四日病起書事

壬申

困人天氣病厭厭紅友來時待黑甜
丈室却嫌

增默菴詩遺集

卷一

八

煙篆滿商量
明日卸氈簾

時時行藥步迴廊
亞字闌邊草盡芳
未信鄰家春更好
却看雙蝶過東牆

賣畫牙郎午款扉
千幘周昉總環肥
是誰貌取前身我
黃面僧穿壞色衣

排愁無計事兒嬉
背地憑人笑白癡
貪看晴絲樓角捲
海紅花底坐多時

重三禊事盛花汀
又為噤寒誤踏青
睡起自添棉半臂
禿豪生紙寫蘭亭

來朝朋伴約郊行
但祝輕陰未要晴
楊柳疏疏

挂金縷王翬畫裏過清明

四日清明

簾風剪剪遞春寒小朵餅花絕好看未足嬌軟
還似怯替伊移近被爐安

欄角尖斜月一痕最無聊賴又黃昏瓶笙如雨
童軀睡燕子未歸遲掩門

按魏刻題作暮春雜詩七首脫第七首末首
作第六首第六首作末首第三首下有收得
醉僧圖五字小註第六首無小註第三首千
幘作千圖第四首坐多時作立多時

題畫

古木秋容澹斜陽塔影高登臨曾此地慷慨著
吾曹久對煙雲幻應知歲月勞荆谿田可買願
與息塵囂

癸酉正月二十六日閱戈蘭舟文學詩頗喜其
登高諸作書二詩卷尾

風雨菊花休登高尚壯遊蕭辰宜作賦老筆易
悲秋烏帽塵將滿青鞵願未酬把君詩更讀我
亦動羈愁

看鏡鬢將皤飄零老奈何風塵名士賤感既古
人多歐子秋聲賦蘇公春夢婆與君聊作達對

酒果當歌

按魏刻前首末二句作邈然天際意鴻雁稱
梁謀次首歐子作永叔蘇公作子瞻題作書
徐竹洲遊山詩後二首按徐竹洲莆田人嘉
慶間舉人榜名道光後改際盛生平無飄零
都下事刻本似誤

觀桃花扇雜劇

黃紙傳僉菊部頭小朝天子竟無愁未容舊院
藏盧婦誰解新亭泣楚囚求劍忍教埋獄底投
鞭已報斷江流可憐一代興亡局結向秦淮十

四樓

江樓招客擬香山用其韻

百尺危樓接混茫越江無岸越山長
星星漁火潮初上隱隱笙歌夜未央
久客飄零人似鴉故園今夜月如霜
登高遠望情何極又是新秋一度涼

涇陽趙節婦詩

綽楔彰貞範臨風動永歎冰霜身世感
繡黼古今看畫燭光偏冷洞簫吹欲殘
悲風虛瑟瑟大地信搏搏門閤承天水
風詩慕季蘭清才翻絮

雪香骨沁旃檀絲絕論縑素針神妙悅聲壻
逢碧鶴星早照紅鸞吐氣凌長劍通經軼小冠
鳶肩將獻策驥足待鳴鑿方謂松垂鳶長吟葦
紉磐定情囊叩叩比德珮珊珊已悵青雲路誰
貽絳雪丹黃姑河忽阻素女瑟空彈十載盟金
鈿三霄下玉棺卷施心竟拔蠟照淚難乾塵篋
委巾篋總惟淒井幹天宮離恨遠闔闔夢魂難
鬼伯符催促神君語渺漫誓生當剔自從死幾
摧肝壽母臨年暮孤孩顧影單梨應檀秀莖營
喜竹平安夜月終須缺春暉幸未闌鷄鳴嚴曉

問鳩祝潔晨餐婦職辛勤盡姑恩色笑歡林中
烏哺樂燈外鴉聲酸戶帖丁男小楹書子夜攢
鳳毛將振采熊膽自調丸劉薦留吟友賣珠延
寫官金籛收寶笈玉樹護雕欄錦向機中斷煤
留帳頂觀經教摹太學幟遂拔詞壇溯自分飛
驟何堪萬慮攢寫憂非檣楫習定亦蒲團命訴
三生石身經八節灘角張憾星宿庚癸問支干
琴軫咽絃索嫁衣閑綺紈緯同縲髮短水欲照
心寒春野荼兼堇秋風葦與萑貧甘井臼瘁力
苦米鹽殫獨活離離草孤生篳篥竿卅年怨接

筍一世對晶盤人仰芳菲播天憐志節完
承 詔下壑白許碑刊行義間應表懷清迹未
利婺星占燦燦 恩露被溥溥里蒼流風始閨
門起化端自非標砥砭何以激狂瀾涇水清難
唾終山翠自蟠千尋女貞木歷劫見檀藥

磁州

小渠曲曲引漳流拂面風來似欲秋我不能詩
真愧負荷花十里過磁州

按魏刻漳流作潭流

光武廟

白水起真人詞流漫美新威稜銅馬帝符瑞
鷄神湯沐魂應戀蒸嘗跡已陳壁間諸將畫
似動星辰

萌庶猶思漢中興豈偶然仍提三尺劍便復五
銖錢他日樓桑社非無夏杓賢妖星芒角赤火
井竟無煙

按魏刻芒角赤作照地赤

光武祠古栢行用杜韻

眷陵舊宅一樹栢大於蔽牛勁於石孤撐不使
雲往來仰視去天定幾尺當時上將盡星辰

生想共星榆白訶護能令斧斤赦神靈似為桑
梓惜鼃聲忽起平陵東黃皇室主啼幽宮上林
珍木百千數赤眉一炬長煙空此柏爾時始拱
把勁氣勃勃生寒風便抽長幹助葱鬱親見七
九中興功大材但使為梁棟文柏之繁世應重
祇恐梅梁夜便飛鱗甲怒生黑風送孤根未必
深蟄龍香葉誰論舊棲鳳柏聞作答聲如濤神
物何論用無用

題毛秋伯同年明府洞庭春泛圖

八九吞雲夢洞庭揚素波東風呼渡穩明月得

詩多嘹亮聞三笛蕭閒誰一蓑知君有仙骨擊
楫自長歌

賦料荃蘭好詩情琴劍豪廿年多作客

秋伯八
詞語

月記觀濤秋駕方求驥曉風還策鼈新詩人誦
遍循吏又風騷

百尺城頭上巴陵酒細斟

秋伯岳陽樓
詩為人傳誦

清暉足

舒眺憂樂最關心白水盟伊昔蒼生望自今涵
虛千萬頃合與證清襟

五載京華別音書阻塞鴻披圖羨舊雨挂席乘
長風何日持尊酒相携倚短篷縈紆靡莫路分

字又匆匆

題畫

層巖曲曲鎖平灘
小閣虛窓夏亦寒
悔與溪山輕作別
頻年只向畫中看

賴烈婦詞

烈婦汀州人適張某張病瘵婦以張命及已
命問巫巫言張死婦再適婦瞠曰是在我命
若是乎張卒婦自經

吁嗟乎有命在天
天若彼命無如何
死而已烈婦灼灼
耀穠李張即昂昂
馳騷駉秦女樓頭
鳳

並倚賈生坐，隔鵬忽止有巫言。命驗莫比言夫，
泰山已治鬼言婦，乃有二天矣。婦聞穿齧嚼玉，
齒世閒異事，乃有此。昨歲在辰，今歲已天降玉，
棺夫不起，嗚呼冤禽恨海水，三尺羅巾淚光紫，
魂欲上天，蛻如委泉下，相持互悲喜，吁嗟乎泰，
山鴻毛爭一死，千載不視一瞑耳，炙艾噴瓜足，
料理三日不汗，能生否，不幸期頤誤者幾，吁嗟，
乎烈婦一女子。

按魏刻題下注張某上有同邑字，病瘵作病，
甚張命作夫命，張死作夫死，婦瞠曰作烈婦。

曰是在我句作再適亦命為之乎張卒婦自
經作夫死婦自縊命無如何句下有烈婦知
命乃知死句上無有命在天句言命作定命
泰山作岱宗乃有此作竟有此昨歲作今歲
今歲作明歲羅巾作紅羅無魂欲上天句爭
一死作爭尺咫無炙艾句

彭脩田師碧梧清暑圖

暑氣不能到桐陰無一塵高懷野鶴遠

師顏所居曰野

鶴古調素琴親林木如名節池荷記淨因由來
謝太傅山澤最傳神

家維德橋上尋詩圖

池塘春草年年夢夢汝春衫獨立時但到桃花
開滿處未妨子固亦能詩

木蘭陂水暗通潮一出春城極目遙指點煙波
際雲海小童可解說題橋

重闌隱約辨城東日射壺公分外紅六載相思
畫不得繞濠三里荔支風

沅船雜詩

溇溪東下倒行舟無數黔山點別愁我與山靈
真舊識可能臨去不回頭

上水船真策蹇同下灘船比馬行空天公畢竟
持公道讓與來船占便風
沅州東下覺天開江上涼風亦快哉舉似旁人
應發粲廩君新自穴中來
奴子憨跳絕可憐憑他攤飯與攤錢忽看頭汗
揮成雨多謝長年教刺船

鎮遠道中

朔風忽以厲寒雲冒天衢半臂晨未披噤瘁粟
生膚顧閔道旁子赤立不袴襦乞寒豈作劇裸
國傳非虛東郭履安存西華葛亦無黔中地磽

瘠不辦禦冬需采采吉貝花花小未盈銖中婦
織山蠶安得衣其夫吁嗟天生人貴賤視不殊
誰歟百金裘耀此千金軀烏獸有毳毼哀哉人
不如綈袍如可捐賢於貂襜褕日暮入邸舍貼
地紅氍毹願為萬丈裘盡使陽春敷

楊老驛次次坡前輩韻

劫火燒殘古戰場播州曾此閱滄桑負嶠自詫
楊無敵累卵猶矜石敢當豈有外援盧鹿赴空
教堅壘海龍荒千年傳祀崇朝失底事奢安更

陸梁

清浪灘

奇石駢肩立不容江逕東濺空千尺雪麈樹四
山風神鬼呼號際帆檣蹴踏中由來忠信者不
識呂梁洪

與春溪飲

龍禁芳時煙雨多今我不樂夫如何園蔬連夜
長紅甲庭樹得春舒碧柯玉版禪師善說法金
衣公子時聞歌東風吹我易沉醉莫使鏡中顏
不醜

氣詛與君真弟兄酒酣狂叫邀荆卿打風打雨

豈余事呼馬呼牛隨所名好友能貽暖肚餅新年記試膠牙餈爛柯仙弈本如此底事棋心長不平

按魏刻題作與陳春溟大令飲小園止前一首時聞歌作欣聞歌末二句作百年三萬六

千日幾日與君同醉斝

鄧過庭畫蘭竹強余集楔帖題之

管夫人作有生趣隨興閒臨足與同一室幽蘭左右竹終年無日不春風

惲平叔水仙冊

供養稱奇寔臨水盈盈一笑邀畢竟詩拈
神韻好此花色態許誰描
寫生動說甌香落墨無多別擅場好襯衍波
版半幅與臨玉本十三行

題畫

九月洞庭湖水消君山左右移輕橈一丸明月
大於盃遠近蘆花何處簫
剝靡鱗次逐江開江上涼風亦快哉最好環隄
爲榜柳蕉衫蒲扇聽蟬來

按魏刻九月作八月明月作曉月盃作盃荆

蘇東坡言詩集卷之二
麻作柴門

四月十二日過法源寺花事已盡俯仰增懷得
二律用王蘭谷前輩看花韻

自笑蘭臺走馬忙祇園但見草爭芳關心雨後

尋香國病肺春前負醉鄉潦倒壺觴思往歲塵

掌碑碣近重陽舊歲來此登高祇應一片韓陵

石還許臨風識瘦狂

珍重尋芳訂隔年鬢絲禪榻畏華顛春光晚晚

童心減色相虛空佛果圓欲寄朝雲拈筆重多

新落雨着鞭先商量便度新荷曲濁酒深杯且

學仙

過某氏廢園疊前韻

綺塍瞥見蝶蜂忙
黃土垣低閉衆芳
人去虛堂餘燕壘
橋橫淺水似鱸鄉
飛鴻躡遍成陳迹
古木陰多易夕陽
為問花園閑老卒
可容斗酒寄清狂

是日蘭卿同遊作即事四律即次其韻

步趨慚愧壽陵餘
暴富貧兒禮每疏
遊具徑思攜餅餼
詩情恰笑曳縲車
一丸烏玉研潘谷
片石黃閔訪意如
鄭商年同年
如鄭商年同年自笑年來癡更甚

又從知好借藏書

賭醉曾分射覆曹

王中與蘭卿為文酒之會

今嚴甌宰百壺

操壘缸露下何須箸篠影風中恣染豪病酒今年歸佛戒裏頭終日畏塵勞明知繞指期千鍊誓向飛仙學屈刀

氣清天朗散遊宜况是蓬蓬水一涯古觀荒涼中太一濠梁放蕩大宗師也應唼藻魚知樂忍負提壺鳥致詞我與東風同老矣倩人為數鬢邊絲

祇園花老闌花蹊粉壁雛僧洗舊題珍重支筇

春已去蒼茫懷古酒曾携情緣竟放雲煙過佛
法能談露電齊不見平津舊池館年來并少燕
銜泥

題鄧過庭畫竹

未須雨意潑淋漓浪亦不風枝互短長分布疎疎
神韻足知君近寫十三行

題友人醉梅圖

圖中一童烹
茶一姬送酒

石欄杆外春無涯萬樹梅花兼雪花山字吟肩
起粟否瓶笙恰好點薑茶

竹屋紙窗虛白映暗香疎影小紅歌孤山窠白

翻新好香海深中著翠娥

題拜梅圖

圖作有餽梅者長跪近之

曲跽擎拳禮數殊滿身花影宛相扶者番捫膝

吾何媿難得神人下藐姑

題梁芷隣前輩燈窓梧竹圖

巋若靈光殿蕭然老學菴遠懷梧竹寫香諦芷
蘭參畫是因秋澹吟知入夜酣梵音定清雅舉

似尚能諳

無法亦無說超超得未曾羣流大海赴萬籟小
庭澄直似觀千鈞因之炯一燈何當粥飯者許

向會中增

宋人金碧湖山小幅

瓊瓏樓閣與雲浮畫手依稀辨李劉割取上河
圖一角六朝金粉又杭州

明聖湖頭春水生湖堤衆綠接宮城葱蘢最是
冬青樹靈雀飛來號太平

按魏刻無次首

劉柏鄰印譜

是有君形者形形乃適然萬竿胸有竹千偈古
生蓮熟極忘於手神來動以天鑿山鏡迹在微

妙與誰傳

明妃出塞圖

山光一夜明
臙脂呼韓邪
迎大闕支闕
支上殿
君王悔非信
何以懷四夷
細君馬上琵琶曲
渾不似聲共刺促
聞說君王斬畫師
抒憤銘恩死
亦足馬死有骨
豹有皮青青塚
草行人悲何限
如花畫中女
姓名埋沒誰復知

按魏刻首句作馬耆山色知
口胎抒憤銘恩
作攄忿銜恩

陳子敬別駕見示新詞即題其後

蒸柳蘇辛分道馳別翻窠白更爭竒迹求履憲
何須爾同甫文章公甫詩

寒林撼撼雪花深席帽披風冷不禁領略灞橋
空外意停鞭崔湜正微吟

時子敬有
頌遞之役

義山感遇借無題馬腹箴規實滑稽語只如
花照鏡禪心未害絮沾泥

官曹多暇足清娛酒榼茶鐺到處俱他日一官
成一集官高能唱渭城無

舌根如我鈍堪憐陶寫無因近管絃只說浯溪
水樂好教聽鐵綽亦欣然

按許鈔本止四首第一首起句作蘇辛秦柳
路分馳特起蒼頭更出奇次首披風作歌風
三首箴規作規詞題作題惜花軒詩餘初集
注云此為先君手錄本後尚有舌根如我鈍
堪憐陶寫無因十一字以下都為鼠蝕無從
鈔補今祇存四首

有感

論語教言行質實無歧途性道不可聞雅言禮
詩書云胡後世人離實而蹈虛陳義非不高考
行難為符樹幟盛號召厠足藏賤儒西風白鴈

寒烽火明西湖而彼聞道者明哲全髮膚將毋
三大忠乃為愚公愚我讀癸辛志方回跖之徒
迹其平生言斷斷尊程朱康齋兄弟訟囚服沒
堦趨顧猶哆口談孔子造我廬昔人守繩墨所
病唯迂拘今人賤名檢大方竟無隅卓哉邵國
賢願為真士夫

錢東生前輩聯牀夜雨圖

何意三閒屋今宵共在茲相看如夢裏有味似
兒時異地登樓賦高秋出塞詩蒼茫聊舉似燈
影亦迷離

點滴空階雨如人訴苦辛淒涼言外意肥瘦別
來身暫取中年樂多關夙世因乘風坡老去讀
畫更傷神

題友人種梅圖

治生底用橘千頭只學孤山占一邱日與梅花
相伴住不知此福幾生修
叢桂招人遂不回滿城誰識鼠姑開風情正似
逃禪叟不寫官梅寫野梅
盍孟晉室書壁

三間屋小類牽船恰是疎慵得靜便解熟剛來

陶字酒菊開須費賣文錢林閒喘息疏於友
內藏蟬老亦仙紅日滿窓攤飯卧風情似勝柘
枝顛

白雲菴

鐵馬橫江畫角哀金川門外燕飛來周公竟至
移神器舍利何曾委劫灰傳信傳疑憑野史一
成一旅幾雄才元勳不念凌煙閣老佛空留禮
斗臺

兩板禪扉掩古松苾芻猶解說潛龍如聞供養
煩神鬼揔為寬仁勝祖宗志士蒼黃湛十族新

皇展轉訪三丰那知細柳新蒲句寫在深雲一
萬重

按魏刻前首竟至作竟已憑野史作遜國記
幾雄才作出羣才末二句作可憐老佛東還
後邊微淒涼禮斗臺次首蒼黃作倉皇新皇
作新王深雲作涼雲

書致身錄後

皇覺留衣鉢傳疑竟到今風霆新主令天日舊
臣心事悔鋤吳楚時無燼灌鄴金陵如鐵瓮何
處鬼門尋

按魏刻題作皇覺寺與詩不合當因起句
二字而誤舊臣作故臣事悔作悔豈金陵作
江城

顧晴芬前輩水竹柴門圖

老屋藏深翠龍山翠又來經營邛笥易蕭灑畫
圖開賦可鷓鴣寫詩將鴨鵝裁懸知寇平仲本
不羨樓臺

地讓三分水軒窓定幾弓菰蘆塵跡隔荇藻月
容空鷺靜窺書幌鷗馴守釣筒牽船還拓室即
此傲梁鴻

土黑才言
林木如名節懸金粹買難何年通略約盡地種
琅玕探借秋光淡能生夏景寒固應胸有竹鎮
日此盤桓

丙舍曾涇上迴環萬竹幽開窓三澗曉調水二
泉秋福地山靈闕清芬祖德留松風前夢在翠
篠憶人不

苦筍歎山谷新萼貺季鷹昔人言勇退其福等
飛昇霖雨民方望濃雲岳已興東山泉石好未
許謝公矜

麻姑圖為文安令題時文安苦秋潦

前旌憑唱赤城歌五百餘年轉眼過拾得山中
螺蚌殼分明仙鞵記凌波
清臣寫記勒仙居護命西昇謝不如烏爪煩教
珠化米朝來乞米正脩書

彭城書壁

帳中夜起淚紛紛四面歌聲侑半醺絕唱仍邀
佳麗和殘軀判贈故交分霸圖悵望秦時月王
氣銷沉灞上雲至竟雄名勝厲狄能教茂挺酌
針黹

按魏刻題作徐州懷古帳中夜起作喑鳴聲

裏歌聲侑半醺作歌來那可聞判贈作聊
秦時作關中銷沉作蒼茫末二句作知已祇
應蕭茂挺卞山祠下酹斜曛又本一首意同
韻異附錄於此

名姝駿馬一齊休垓下悲歌萬古愁亭長倉皇
方待渡故交徽倖藉封侯關中形勝收秦鹿灞
上遲迴歎楚猴失計可憐時不利倘詢土偶淚
應流

符離

隴年前失上游符離重蹈富平羞五千甲

三運倚卅萬旌旗一鼓休將帥和難如李郭初
公勲只在苗劉武鄉威望成何濟輕躁奚論忠
繆侯

小朝金幣日輪燕待旦枕戈志亦賢淝水倉皇
非折屐江流清淺易投鞭東遷已判銅駝沒西
望應增鐵象憐賴有佳兒乞佳傳汗青功罪費
周旋

按魏刻前首威望作韜畧輕躁奚論作可惜
頭顱次首非折屐作誰折屐東遷作東都應
增作應多乞佳傳作作佳傳汗青功罪作真

教青史

臨淮書壁時河決入淮驛舍民居俱沒

大水西來浪捲沙臨淮無復舊繁華
岡頭綿苑人如鴈橋下團瓢竈有蛙
頽岸幾時堅竹落新波轉眼下桃花
諸公即上河成頌好為黔黎計
室家

郵亭投止晚匆匆猶記疎櫺八面通
一宿僧如戀桑下再來人竟喚蘆中天
容黯淡鷲毛雪世事蒼茫馬耳風
歎息沙洲枯柳偃分明記汝驢

花驢

按魏刻題作己卯十一月六日雪夜臨淮書
壁感慨繫之二首即上作袞袞頌作後好作
願次首僧如作僧非人竟作人欲第七句作
指點埋沙老楊柳記汝作曾汝

增默菴詩遺集卷一終

增默菴詩遺集卷二

莆田郭尚先蘭石著

男 錢齡編輯

婿 許祖湧同輯

孫 慎行 姪 孫維城校字

良岳遺石圖

盤固封如昨誰人拜故侯
知曾儕礮具幸未沒
河流瓦鏢仍梁苑塵沙又蔡州
何當石能語一
問五更頭

按魏刻題脫圖字知曾作多應塵沙作風塵

擔菊圖

長鏡閒劖傅延年收拾秋容付一肩中有柴桑
詩意在斜陽歸鳥意悠然

惶恐灘

晴雲四捲忽雷鳴不辨人聲與水聲石作萬牛
奔欲觸舟如一鳥下才驚安知轉溜無神助却
感迴風亦世情是日舟幾觸石早識多衰鬱林
石不教三老恨船輕

葉小鸞眉子硯

曾聞月府下雲旗靈語琅琅幼婦詞絕世佳人
圖作佛多生綺語懺能詩祇今滌硯看眉子想

端也

拈毫出茂漪，楓冷紅凋一。惆悵不教唐韻豈。
按又本幼婦作絕妙絕世作曠世祇作即滌
作藏看作餘步作繼楓作霜教作將

十月十日夢內子

端默汝天性夢中言更稀，飄蕭病後髮黯淡嫁
時衣定識魚無睡，何來鶴與飛，關河四千里此
見是耶非

客久裘將敝，天寒酒不酤。龕唯共彌勒，病孰問
維摩。看鏡豪情盡，籠燈暗恨多。隣船應未寢，何

事又酣歌

按又本定識作定閱次首應未寢作行估者
樟樹鎮王文成誓師處

靖難師興轉眼平可堪威武又親征指揮上將
皆文吏結納中涓亦至誠功狀幾曾希側注謗
書猶欲壞長城蒼茫樟樹維舟地駭浪還如野
哭聲

陪京咫尺易乘虛老漚當年計未疏不道樓船
方躡後才揮羽扇已擒渠平生得力龍場謫多
事爭端鹿洞書早識末流畿良誤良知不講定

何如

按魏刻可堪作敢勞又作更三四作指麾守
令爭馳敵浩蕩江湖已洗兵幾曾作何曾末
二句作汾陽比並真非忝能使朝恩感至誠
次首不道樓船作不料牙旗才作乍已作遽
末二句作畢竟良知是何色但論經濟古誰
如

飛來寺次吳淪齋殿撰韻

十日廣州住未過光孝寺欲訪菩提枝深恐勞
騶吏遲步呼鸞道招提足竒麗士女何駢闐細

馬光照地有如金碧畫所少雲煙意我不彈蘭
閣亦非禮舍利但遇山水佳真人想天際瀆水
如碧玉入峽竒觀備峽轉古寺出山虛鐘唄邃
軒帝仙家祖帝子亦好事采藥走兩戒勝情愜
此至龍眠移寺來佛豈戀幽異無乃磨角龍須
藉辟支制動靜機鋒合下視趙與遂老僧邀我
坐水光晃坐次為言詩板富王朱昔曾蒞忽聞
木樨香一祛桃花魅竒樹絡竒石與石共成翠
飛泉從天來一落千丈計泉外歸猿洞俯瞰猿
亦悸却憶飛雲洞秀立澗水滢七載鴻雪跡至

今夢魂詰又憶福廬山石罅紫柏驕縮作研山
供異石不可致笑語吳季子禽尚識吾志

關山月限離憂二字館課題擬作

又是邊亭木落時天山高挂月如規銀河一綫
秋光淡玉塞千重夢境知羌笛無端生怨調穹
廬何處說歸期前身許下長圓願偏向人閒照
別離

月滿榆關戍火收燕支已奪不須憂生憐畫棟
雙棲燕自捲晶簾百尺樓點點山河涵大地蕭
蕭風露逼中秋如聞鏡聽多佳語負耽征人拜

列侯

送李蘭卿侍讀守思恩

洛陽年少

聖人知入奉綸言出擁麾元白詞華光

禁閤龔黃才略重邊垂炎陬風物虞衡志蠻峒

謠歌樂職詩來迓板輿爭作禮妙鬢壽相正寒

帷時奉太夫
人之任

風煙莽莽樹干霄似有鴻濛氣未銷但使文翁

開禮殿便教邕管幕園橋夷封控馭黃龍久絕

羈縻白雉遙崇武山前耕耨滿豳圖合倩馬

和描

山水清幽數桂林傳聞西上更雄深山排翠浪
馳銅柱路轉青泥蠹玉簪妙悟每懸天際想奇
書譬向夢中尋前人未占千秋去郡閣抽豪好
細吟

再世論交並紀羣同聲况有伯吹壘中年哀樂
誰知我行路擲揄又送君蹤跡迷離指鴻雪心
期珍重誓龍雲東坡生日年年酒一樣相思兩
地分

按魏刻第一首光作留重作試妙鬢作華鬢

次首教作應控馭作信誓久作舊絕域作屬國崇武作景武合作好三首山水作巖壑抽豪好細吟作蕭閒足朗吟末首並作仰蹤跡作遊跡有小註每年蘭卿為東坡作生日僕皆沾醉題中侍讀作太守守作之官

鄭繼之詩冊為望坡尚書題

時又逢天寶浣花生替人批鱗敢諫士鍛翻苦吟身揮灑驚風雨護持勞鬼神赫蹠如許壽未假勒貞珉

上將為尊號鑿與久按邊詩多小雅怨蕙在

篇宏治思如昨中原亂幾年遲清亭外望古
木尚啼鴉

十子扶風雅三唐繼正聲爭先珠入握孤詣壁
連城豈必研書勢居然擅筆精始知心畫肖爛
漫是真評

元老分陰惜等身常擁書園尋桑苧舊字得蝨
蟬餘虹月中宵見雲煙入望舒明良千古遇懷
古意何如

按魏刻題作題鄭少谷先生詩翰輒效其體
四首無為望坡尚書題六字末首又無小註

故讀者茫然次首亭外望作亭下過三首豈
必作何意

顧吳羹先生畫唐梅為望坡尚書作

我昔泛舟近華浦望坡尚書時開府吳羹學士
前身梅為說唐梅劇奇古我來不值梅作花但
傾綠酒酬山茶匆匆別去意復悔恨不一觀枝
槎牙魯靈光殿巋然在氣壓吳中香雪海碧鷄
金馬信有神護惜幽香慰真宰學士作畫如譜
琴蕭蕭萬籟涵虛深尚書論畫如論人要見鐵
石平生心此花閱人不知紀許寫此花人有幾

憶花心迥然門外秋光冷於水

按魏刻題作題顧南雅學士所畫黑龍潭唐
梅題下有引曰余丙子使滇與望坡吳羹二
前輩同遊近華浦酒閒談黑龍潭唐梅之奇
以就道匆匆未及往觀也展畫詩追念舊遊
如昨日事而寒暑十二易矣走筆賦此近華
浦作近南浦作花作著花恨不作恨未幽香
作古香論畫作鑒畫平生作廣平讀畫二句
作對畫思花心茫茫拂座風來冷如水

代柬

滿地青苔鳥語譁幽窻寂寂勝山家携琴明日
好來到未麗花前嘗芥茶

按魏刻題作即事絕句滿地作窻地鳥語作
鳥不次句作新糊窻紙白於紗

容易

容易愁人唱惱公况兼紅酒謝荷筒連旬稱病
辭今雨得句無題託古風歸燕依人如話別賓
鴻學汝共書空平生最喜談秋興領略年時已
未同

商量半臂薄絲披微冷未寒候恰宜白露能流

遠夜樹黃花似勝隔年枝支筇便擬煩遊屐脫
帽無端見鬢絲心恐旁人知意况小闌干下緩
行時

趙文敏畫馬

書追羲獻妙通神畫學曹韓亦逼真舉似此中
龍種在竟無雄傑但清新

湖州路與白雲齊苔雪春深草繞溪但得平川
閑放牧何心更慕錦障泥
脫銜解韉儘雍容草影迷離樹影濃却怪龔開
尊畫骨靈竒恰比所翁龍

水晶宮與鷗波館印識模糊辨識難倘綴元章
天馬賦又防列宿笑郎官

黃石齋先生畫松

貞直翻疑佞平臺淚未乾飄搖大廈壞撐拄小
朝難枝葉終無改冰霜任自寒披圖風漫漫莫
當偃松看

按魏刻次向作孤根獨鬱蟠壞作失枝作柯
漫漫作颯颯

史道鄰先生贈戴錦師詩卷

已料滄桑近簪裾出世難歸真應紫府誓

冠華與煙雲化心知鐵石寒魯公拳透爪即
此是還丹

顧賞洲文學竹趣圖

避俗無如伴此君先秋蒲地已涼雲玉篇家學
兼倉雅閑就清陰讀說文

玉版禪師大辯才鄉心苦筍勸歸來平安亭上
中秋月好著逃禪寫野梅

竹外苔深草不除盆池蒲石稱幽居未妨多受
菖蒲拜且對芭蕉誦諫書

有人還比虎頭癡鶴亦關情竹亦思領取倪迂

畫中意蒹葭佛閣倚闌時

自題過嶺圖

天際指歸路此遊洵壯哉風高一騎下道轉萬
山開桑下宿仍戀梅邊春欲迴仰瞻張子壽曠
邈識予懷

按又本此作茲五六作行篋仍携硯寒林未
放梅仰作因曠邈識作渺渺寄

江妃村

曾傳戚里此江干遺事開天已渺漫賦買千金
心不轉珠擎一斛淚空彈秋風團扇班姬怨夜

雨淋鈴蜀道難猶勝倉皇端正樹一鉤羅襪與
人看

題徐月卿印譜

鑿石觀鏡迹披尋宛異書巧心亮鵠見勁腕驥
貌餘邈矣東西漢懷哉大小徐琢雕更歸樸極
指意何如

姚根山暢山夜課圖

鑿楹幸有一經遺軋軋兼縲九寡絲指似母心
兒記取秋雲收盡月明時

蕭蕭老屋想牽蘿綬水門前夜不波莫怪疎林

增默菴詩遺集

卷二

十

成點淡墨痕中有淚痕多

竹崎阻風

安得凌風翼來牽水上舟潮難馳白馬山似望
黃牛草草三家聚蕭蕭萬竹幽此閒尋畫稿天
遣小勾留

按魏刻水上作上水五六七句作屋俯沙痕
淨溪兼竹影派想緣詩料好

次日風大利舟觸岸幾碎

使馬未為健風來真擲梭舟輕上瀨易窻小悶
多遲速乘除計安危頃刻過長年須慎

綽漫酣歌

青楓嶺

斧劈一峯尊羣峯萬馬屯
梯田隨澗轉水碓隔雲喧
開道夸娥子致人殷翼孫
登高吾未慣遲步憶家園

梨嶺
按又本慣作習遲步作平坦刻本殷作散誤

畏壘謀尸祝羅池譜送迎
廟崇前刺史龕共古先生
魍魎桐鄉戀詩編梨岳名
成神循吏易俯仰不勝情

增默菴詩遺集

卷二

十一

徐廉峯庶常問詩圖

蕭森樹色助山光
中著三閒小草堂
二士相逢說要法
羚羊悟境笑滄浪

詩評詩品汗牛多
載酒圍壚語更訛
豈識陳芳佩天篆
多師未敢薄陰何

誰繪霓裳按樂圖
聽風聽水詎容摹
雲山韶護千秋在
問取煙波老釣徒

擁書萬卷自心開
鴻筆淋漓著作才
雙鳳六龍眼前語
未須狐穴撿詩材

李鳳岡先生於西山自闢壽藏邀同人往遊

後索詩率賦

種松得夏涼種花及春媚歸藏待此閒行樂亦
此地紛紛形家言馳辯若交諍豈知未生前天
公早位置先生餐霞人烏巖久養智哦詩政事
堂題名慈恩寺爽鳩三尺平朱鳥一麾蒞遂初
賦既裁婚嫁願得遂平生萬事足所餘叩壑志
朝爽來西山愛山一塵寄尋山每孤往山靈貺
神秘遊玩斯叩樂居可此室悶便鑿趙岐壙匪
傍要離墟馬鬣縮寸圖蠅頭綴小記披圖讀記
餘灑然見禹致宇宙會有窮生死真大事所以

不朽三早為身後備春暮花盛開人生貴適意
未盡百年身且謀千日醉醉吟韻松風醉眼收
山翠春山忽如笑笑翁善遊戲長作山主人壽
康復昌熾

李蘭屏比部竹林待酒圖

萬竿蒼玉儼分排餘地從他長綠苔料得此中
人不俗何妨一問主人來

冒雨山家買酒難奚奴瑟縮定驚寒要知隔竹
敲茶白豈似提壺畫裏看

內君偏側滿塵埃讀畫能教倦眼開便使石田

工募竹仍愁無地起樓臺

年來薄酒亦難賒選勝聊驅下澤車領略倪迂

畫中意興誠寺閣望薰葭

題笛生同年珠江送別圖

國為笛生戊寅校士
粵東吳蘭雪舍人屬

黃山僧
澹盦作

流水高山幾賞音臨歧重譜伯牙琴海珠寺下

潭流合比似桃潭百倍深

送君欲返更依依目極輕帆去若飛豈第舟無

鬱林石端州片石未携歸

香火情多豈偶然信知文字有因緣盧師夜半

傳衣鉢過嶺仍教敞法筵

君門下士翁二銘
官尤雖來祝學

愧來勝地不能詩八載鴻泥有所思把酒船窓

酌明月小留花地候潮時

余已外使粵同
志饒於花地

為甘滋蒼明經題陳秋坪郡丞詩翰

水曲雲凹敞絳帷鄭虔三絕畫書詩即看秋蚓

游絲體想見春蠶食葉時宦海蒼茫鴻印爪名

山珍重豹留皮一生一死交情見掩卷籠燈有

所思

楊雪某比部滌華圖

灑三閨屋掩映兩行柳誰歟滌華者其人可

不黜君華固無塵冰甌滌已久云何三沐蕙
龍鬚友君言烈士劍摩挲豈釋手劍不敵萬
人此筆便須守不滌鋒易摧毛錐豈任咎即此
悟養生一溉亦增壽不滌墨易滯滯乃墨猪醜
即此悟治心洒濯畏藏垢歷觀古人筆竒正各
不朽是有君形者蒙金乃土偶西江習掘筆北
地享敬帚安得海一泓盡洗塵三斗花自夢中
生篆亦夢中有昌化與佩阿吾言為然否擲筆
起一笑秋光炯戶牖

按魏刻題作秋窓滌華圖次句作娑娑一行

柳毛錐作毛穎亦增壽作足增壽不朽下有
蘭菊秀一時何復知鹿韭二句乃土偶作愧
土偶盡洗作盡澣篆亦作筆亦

落花和李蘭屏比部

紅陣飛低碧蘚侵檐啼鴉鳩畫惜惜枝高本易
招風雨月到真疑隔古今萬事蹉跎藍尾酒一
般惆悵白頭吟園丁莫解金鈴去後果還看綴
綠陰

干鄉何事倍傷懷正憶分叢手自我墜粉莫隨
流水去飛茵猶盼好風迴強繙小說談前定別

檢神方祝晚開無可如何聊作達新荷又蒲舊
池臺

初秋不寐

羊鐙一穗夜迢迢聽雨眠難誤種蕉千古望如
棋覆局孤懷狂欲劍橫腰忽驚蟲響如人語更
有鐘聲學海潮索茗披衣妻妾怪自教明鏡髮
飄蕭

鄉書傳到太紛紛海外狼煙接火雲蝸角敢言
蠻觸鬪鯤身已渡鸛鵝軍但教賣劍消萌兆那
有探丸駭見聞良將何如良吏擇盡驅游惰事

耕耘

清濁流於袞浦交雲梯東望未澄膠治河上策
談何易築室羣言久更清穿地龍門驚脫筭呼
天鴈戶籲拳莢飛芻輓粟來年計朝夕何人念
草茅

仰屋司農亦可憐飛章又請水衡錢平時漫執
桓寬論此會才思劉晏賢抵璧已聞棠蔭儉點
金何事冀神仙壘臣日奏甘霖早寰海應善大
有年

道孽無端起
歷蛩高昌蒲類盡
傳烽過巖誰與

規任尚善守還應賴耿恭日月昭明新號令風
霆洒濯舊提封轉輸有策師派馬機括無因問
卧龍

至尊宵旰仁良猷前席頻聞借箸籌敢謂遠謀
非肉食休教細故但毛求良醫貴識膏肓疾元
氣何關疥癬憂中夜迂儒懷報國東陽瘦骨不
禁秋

題畫

深深庭院滿飛霞花照紙窓別樣清衣白山人
抱仙骨通明端欲傲淵明

一般清極不知寒綠萼梅橫赤玉闌料得廣平
心鐵石晚香留伴澹中看

春風薄暖試燈前入坐唐花亦自妍頃刻便開
殷七七何如服玉傅延年

銀杯縞帶妙難方讀畫還教色相忘領會悠然
見山意聞他何處木樨香

過龍泉寺清上強余集蘭亭字

遊攬欣初地羣山盡見春竹林終老寄蘭若一
生因流水猶今日清風亦故人感懷時得趣俯
仰迹將陳

銷寒雜詠賦得土炕

土銼微烘便覺春御冬渾不藉重茵談非踞竈
言先暖詩到燒氈料更新攬鏡休疑寒徹骨披
衾竟夢熱通身銷金帳下羊羔酒可念蕉窓卧
雪人

與貞木蓉臺飲

歡笑年年老此翁草書人似夢匆匆掃門客謝
防溫卷諛墓金來略送窮鴛足多慚糜棧豆鷗
情渾未識樊籠癡奴恰好呼君實能誦尊中酒
不空

李潤堂都督畫冊

未聞君學畫畫竟肖倪迂樹少秋容豁庭寒鶴
影矍從知韞韜畧不待學孫吳心手相師處天
然詎可摹

畫稿胸藏久斯圖僅一斑童遊幾瀛海宦况又
江山風度輕裘緩昇平寶劍閒平生慷慨意蒼
莽數峯閒

雲麾遺碣在懷古意何如金碧專門學鉛丹大
節書臨淮新壁壘橫海舊旌旗邛壑從瀟灑輕
及置幼輿

墨梅句驥毛何必問黃驪

楊雪椒比部金陵策蹇圖

鐵瓮城如昨六朝安在哉
煙花千載夢風雪一
鞍來虎踞餘雄畧驪探付逸才
大江流浩浩恰對壯懷開

金陵西北望巴蜀大江源
我豈能詩者騎驢入
劍門岷峨真畫展李杜故居存
安得凌風翮招君共一尊

按魏刻題下有時余有蜀中之行八字載作
古鞍作鞭逸作俊次首故作舊翮作翼

周翠渠先生海天空濶四字卷

平生志業紫陽希八法追蹤亦詣微
宛似摩崖書削劣天風長挾海濤飛

正心正筆溯誠懸繡鐵枯籐妙自然
想見臨書空濶意羣鴻戲海鶴遊天

白沙狂草不匆匆其奈忘筌捨筏同
便說散僧能入聖何如正等守宗風

心學躉言始伯安龍江晚出更頽瀾
要知前輩矜嚴甚超曠仍從實際看

黔蜀猶歌惠澤深最難循吏又儒林
買絲合繡

王端毅碧海青天薦士心

流傳署榜與題楹缺石多防託盛名親見黃家

屏四幅始知寥廓有焦明

黃巷黃氏世寶先生書四幀

大書深刻出林端蘇駁還疑墨未乾我似西臺

思景度一回過嶺一回看

瑞井嶺上先生書天馮之麓四字大夫坑

字三

君謨風節四賢詩餘事人誇譜荔枝可惜萬安

橋記跋不礮片石惠臨池

先生孫某跋言家有先生書洛陽橋記跋

村落清江小港濱翁周比屋類朱陳阿誰舉似

衡山句魯殿靈光已古人

翁覃溪先生祖居蕭之清江口與先生居

字對

寥天鴻乙望何如空濶仍應付太虛四十餘年
老輩盡可憐高適學詩初

卷中題識余僅及見
覃溪先生又皆前人

牛壁箒

路出羣松上羣松自湧濤雲衝前馬杳風厚陳
鴻高乍見樵童佻如嗤驛使勞此中佳處有遊
興可能豪

白溪鋪

路邊竟無路却曲溯溪源馬足菰蘆軟人聲

喧喧屋歌石讓道沙逼水爭門似有牽船屋不
知何處村

水田壩

四山狀睥睨中圖百頃圓居人十數家開渠治
水田有山皆積石有石皆噴泉一石泉一珠珠
珠積成淵種時泉汨汨獲時泉涓涓異哉八功
德乃奪旱澇權稍轉石崖呀垂雷鍾乳懸居者
記陶窳率意加前椽晨炊熟未熟石罅煙非煙
其人亦麀鹿睚眦忘歲年驚猜車馬來童稚浩
喧闐老農畧不顧緩步隨烏犍遊詎天姥夢畫

誤桃源仙出谷路陡落古木森刺天下山望此
木乃在層山巔久望遂無覩白鷺飛山邊

石塔鋪

層層接筧灌梯田草草團蕉結數椽滿地收花
山子噪兒童閒倚竹根眠

按使蜀日記結作託倚作枕

濯河壩

境自何年闢睢盱俗尚留朱陳相嫁娶草木自
春秋路滑青泥轉溪喧碧玉流由来思善者
土更無憂

巖江十五里石壁

巖江十五里仄徑循小河
摩谿夾石崖異態紛
何多樓湧吐蛟蜃橋斷蹲
龜鼉摺疊衣在梳俶
詭尊列犧亂挿謨觴書
倒載商錡戈塑像目捷
連撐空宰堵波如削萬室
椽巧匠交斧柯如築
百雉城軌塹疲烏曹雲飛
墜芙蓉風迴吹女蘿
偉哉造化才毋乃雕鏤勞
我思盤古前茲山連
嵯峨驚湍能破山鈿於萬
劍磨漸漸綆斷幹層
層玉受刀開闢八萬年
日月真奔梭河形日以
下山形日以高所以石根
露橫皴如旋螺遠念

雲梯闕脫筭馳秋濤安得剷此石厝之邸宿桃
彼既省薪捷此亦平坡陲袖有遁甲圖臨風招

夸娥

木根鋪

不知誰氏子小築瀑流隈門破風仍掩庭虛鳥
任來樹誇纏綵銜峯學假山排徑欲携茶具蕪
葭寄溯洄

白蠟園晨行大霧

晨起開窓櫺羣峯爭來窺吹霎峯已失一白浩
渺瀾僕夫告首途茫茫信所之人若夢中行馬

若空中馳近人亦無目近樹亦無枝想見天中
翁粉本未澹時連日困登陟觸目憎屢屨忽作
平等觀浩曠神為怡太虛無芥蒂元氣真淋漓
混沌竅不鑿萬事忘險夷咫尺慎步趨前途安
可知

石砮

桃花馬上梨花鎬梳掠鬢雲老戰場福淺勲名
輸衛霍時危威望賴高涼千秋白桿傳兵略一
哭青蒲誦諫章他將未須巾幗贈諸子繡纓久
翱翔

按使蜀日記福淺作竟歎時危作猶餘賴作
鎮五六作赤眉誰釀蔓延勢白桿空多訓練

方

忠州懷程次坡先生

生天與成佛不夢孰能知苦憶分携地遙想再
見期書疏慙未答劍掛定何枝山翠含顰對尋
思腹痛時

萬山圍靡莫玉尺峙危樓放眼天如畫捫心月
正秋雲龍歸轡並風鶴夜烽稠共命頻伽鳥嚶

鳴友自求

與君自黔歸次亢村驛粹與
訪賊李文成過督村民捍之

玲瓏言非妄才高用轉難諫垣三載績邕管兩
年官蕉鹿曉鐘醒蓴鱸秋舫寒倚門雙白髮歸

旋北風酸

夙昔相期厚星來果益州

君甚冀余視蜀學為
言蜀中利病最惡

重披先友錄長記少年遊仰視星辰大俯觀江

漢流為君完素願泉路得知不

蜀中新入學者
舊有紅紫費東

峻頗以為苦君官御史時
嘗入告余履任始除之

不解天何意盱眙問水濱君二子新門荒鷄厭

客屋老燕辭人論敢持無鬼文猶冀有神臨風

行自念我亦白頭新

曾狀志詩遺集卷二

廿

廟磯子灘

未至灘三里已聞灘怒號風從夾岸壓石與亂
流塵氣數懸雙纜安危睇一篙却看垂釣者渾
未識塵勞

按使蜀日記三句作山如竒鬼瞰安危睇作
飛騰赴渾未作似不

邛州畫蘭

水沉香氣透窓紗興到神怡寄墨花研墨只須
花上露文君井水只煎茶

韓樹屏先生三百三十三士圖卷

曠世猶相感，軺車况後先。畫圖紀遊蹟，風雅仰前賢。在昔來般爾，於閩採楠楹。知言三語掾，識駿九方歎。路幸登龍近，人爭執雉前。欲明心似水，許致石如拳。出袖分虹月，摳衣謁鏡煙。聊銘知遇感，各使姓名鏤。佳士森庭竹，竒峯縮岳蓮。亭依文勢曲，花助匠心妍。俯仰成陳迹，蒼茫溯歷年。高名並常袞，佳話即平泉。山斗今翹首，淵雲舊比肩。星隨英蕩蒞，天假荔枝緣。睢渙毫分繪，淄澠茗異煎。峯雲千里淨，海月五更圓。眼是金篋刮，班仍王筍聯。時來洗心室，重舉點頭禪。

想像摩挲地吟哦犖确篇量才芙蓉鏡題款拂
苔錢卽此磬頭好無勞屐齒穿園亭君實愜卽
整幼輿便詩正銀髯撚經教瑜珥研須知鑄人
冶不異示兒編石問能言否公歸應黯然一彈
知賀若千載幾成連物信因人重今還視昔傳
願將畫錦石并寫錦江邊

送韓樹屏少司空還里

春江滑笏抱城流無恙帆看天際舟蓬漏曉聲
想鴨鵝菜根鄉味憶元脩淵雲盛藻前蹤繼山
十高名士論留卽杖未携腰脚健

恩珍重告朋游

山桑八百種經年歸計何須負郭田老圃有香
宜晚節急流能退即真仙浣花重使詩壇振焚
事難教諫苑編惜別代申閩士祝祝公眉壽似
增川

道昌道中

長卿通驛過苴蘭諸葛誓師泚水干武達文通
候已矣雲霄萬古羽毛難

生衣欲換峭寒輕料得前山已放晴好畫騎驢
行看子海棠村堡蠟梅營

益遠

到此將經月河魚疾未瘳三年誰畜艾五月尚
披裘昏旦炎涼改山川混沌留又添談柄在積
雪對紅榴

嘉州刺史朱象先殉節詩

賊難

營頭壓城鼓聲死血漲長江桃花水羊馬墻傾
上萬蟻刺史殉城子殉父摩笄一瞑丈夫女技
宅飛昇趣舉炬火光縹碧心光丹金支翠旗火
雲端下視塵界煙漫漫龍禁思公彌億載莫向
麻姑問東海凌雲山色青無改

拾遺讀書臺

聲嶂如濤勒水迴行人指似讀書臺蜀珍再見
淵雲出唐盛先將李杜開文為諛時終少貶名
原招患况多財西風獨坐山前路古柏森森鷓
鴒哀

俞紫芝書廬小草堂記為琦靜菴節使作

香爐峯雪石門雲堂圯池荒冷夕曛展卷宛疑
真面在遙飛芥苒酌匡君

淮陰

鬱鬱居難久多多善者誰追逋驚大將仗義出

雄師天意鍾，慄怒神機運。握竒寰中赤，幟遍垓
下素旄麾。學道談何易，居高勢每危。背憑游士
相，心早假王疑。謁帝成禽驟，銜冤入賀遲。並難
屠狗伍，空憶釣魚時。寇鄧真殊福，胡藍更異詞。
藏弓機必發，投杼罪疇知。舊友鍾離昧，狂生麗
食其。九原如邂逅，孰辨黠兼癡。

廟臺張留侯辟穀處

博浪椎秦真健者，誰知玉貌劇纖柔。赤松羽化
知何許，紫柏山深信可遊。兵法未妨行詭道，仙
象見說忌陰謀。韓王死後蕭公繫，三傑輸君第

一蕩

十一月十二日廟臺飯即以留侯廟為館留題
一首

漢初無詩書黃老開宗風蕭曹得其迹清靜蘇
羣蒙留侯得其意掇弄豪傑如旋蓬功成長揖
歸矯矯真猶龍赤松子黃石公子虛烏有將毋
同忽招崔園驚而翁雲來雲去青天空早令一
推祖龍死鮑魚西馳韓後起紛紛劉項何足齒
其客豈直韓彭比吁嗟乎滄海竒士不可求販
糶屠狗皆通侯

次南星夕與內子言及以二詩示之

山頭紫柏碧芊芊鸞鶴高飛永化煙但得功成
身許退無須辟穀亦昇仙

羽衣非復漢官儀料事心勞鬢有絲便使駐顏
有靈藥難留冠玉少年時

侯生左良玉傳書後

縱寇秦山奏捷時白頭身自下雷池軍鋒肆甚
高無賴時論迷於雋不疑投鼠失聲真破缶瞻
烏得計是降旗便教索米留佳傳豈料東林有

怨詞

馬嵬坡懷古

羅襪灰飛改葬難
松楸零落夕陽寒
玉顏何與今人事
坏土猶勞駐馬看

哥舒異計已微聞
龍武真看駐六軍
畢竟感人緣一死
有誰憑弔惠妃墳

萬里青騾未解鞍
野狐鈴語譜辛酸
只言蜀產離支好
豈料君王蜀道難

虞初三百語多誣
繡襦金訶事有無
燕子涎涎聊舉似
白鷗誰見化名姝

三綱九法久淪消
不獨褒闡誤早朝
他日幾迴

下殿走何曾玉樹唱朝朝

在地願為連理枝佳人命薄孰能之劇憐晚歲
如仙媛不伴魚燈金粟堆

新豐

太公迎拜禮云何治產今真比仲多雞犬豈知
新邑改粉榆獨便屬車過傷心置俎分羹語得
意還鄉擊筑歌終勝樓前歡父老射生五百忽
橫戈

顧吳羹畫梅為何子貞題

脩到梅花身化竹誰人能似虎頭癡怒先畫裏

分明在讀畫還如聞笛時

章直齋明府露布硯

風沙二萬里男兒拂劍起莫歎墨磨人行藏我
與爾

吐氣發驚雷飛文挾急雨平生石作心問石石
能語

蘇鼇石蔗訪閉園刻燭圖

詩篇韋白政龔黃筍束官書燭兩行判牘不留
人轉暇閉園風月勝滄浪

齊城官舍小於舟剪燭清談得自由拂綰為君

商畫稿明湖淺水鵲華秋

按許鈔本據同安蘇氏家藏真跡篇作章次
首為作與

題畫

雲煙收盡見屏顏
秋在疎林杳靄間
為想洞庭明月好
移家逕欲住君山

書李馥堂觀察所集楹帖後

酉水記停鞍
荒庭長射干
夢魂飛嶂逼
燈影墜雲寒
通驛誰先導
題楹苑未乾
羨君天與筆
生面畫層蠻

相思不得見沅澧
邈參辰豈料飛鴻
迹重來叱馭人名
山千古事聽水一
回新願作清風頌
蕃宣治更醇

增默菴詩遺集卷二終